



تاریخ وادستان

طبع ۱۳۳۶

مجموعه کتب خطی
کتابخانه ملی ایران

نصرت آراسك هله ای یوسم تاپیرشن
ایلدك دامانگنی دست زلیخان خلاص
برکون اول چاك چاك اولسه کربان حیات
زده اولسه ق دست ناهموار دنیادن خلاص
کوریز - رستنی هم نصرت شجرائی
آ (امیری) دستکه اول شوخ رعنادن خلاص [۲]

نظیره نصرت آمدی

بولندی دل حسرت وصل دلارادن خلاص
بولندی دیوانه قید عشق لیلادن خلاص
بیچ وتاب کا کل مشکینه دوشدك ای کوکل
صامه ممکندر سکا زنجیر سودادن خلاص
نوله قیسهك ترك دعوای خرد بجنون گهی
عقله اولماز عشق میدانده یغمادن خلاص
آفرین ای، دل که معمور اولدك بریار ایله
غالبایلدك که یوقدر طعن اعدادن خلاص
(نصرتی) حیف که دام عشقه دوشدك بوله دك
عاقبت قید المدن درد دنیادن خلاص [۳]

نظیره شعبان کامی آمدی عمم کبیر فقیر

بولدم بر دم کمند زلف لیلادن خلاص
کیم اوله دیوانه دل زنجیر سودادن خلاص

[۲] بوراده کی خلاص (سند) مقامنه در . اولوقت او یله استعمال اولوردی .
صاحب غزلک حفیدزاده سی و بو حقیرک جدی کمرک امینی احمد آغا مرحومک ۱۲۲۴
تاریخنده برادرزاده سی اسماعیل آغا حقنده یازیلان والحاله هذه نزدیده موجود بولنان
برسندظهرنده جدمک خط دستیه (برادرزاده اسماعیل آغانک ابراخلاصیدر) عباره سی
محرردر .

[۳] نصرتی آمدی ، امیری چلبی ایله معاصر اولوب اوندن ۲۳ سنه صکره
۱۱۶۰ حدودنده وفات ایتمشدر .

یوسف غفل و شعورم عصمت آرادر ولی
اولدی دامنکش دست ذلیخادن خلاص

یتمدی کیمسه کریبان حیات عمرینی
تجه شیر تفتای پترخ خودرادن خلاص
کیچمسه اقلیم سودای هوسدن نفس و د
اولمز آثار غم سر سویدادن خلاص
طعن حاسدن قاجنمق (کامیا) امر محال
اولدی دنیاده کیمسه افک اعدادن خلاص

جدمز محمد امیری چلبی نك بالاده تمیریر اولنان عزانه نور عیونم
یغداد والی اسبقی سلیمان نظیف و دیاربکر والی لاحق فائق عالی
بكارك جد اعلا لری و شرق سر عسکری صالح پاشانك
دیوان افندیسی اعظام خاندان منلیکشدن ادیب لیب مرحوم
سلیمان نظیف افندیك بوندن بر عصر اول واقع اولان

تخمیس نفیس و سلیس لریدر

بولدی رندان خمار رنج صہبادن خلاص
اولدی عاشق لر اغیار ایله غوغادن خلاص
بولدی مجنون کوکل سودای لیلادن خلاص
اولدی دل قید کیسوی دلارادن خلاص
بولدی دیوانه مز زنجیر سودادن خلاص
آسمان حسنه ذاتك مهر و مہدر کوکبک
دمبدم قان یوتدرر عشاقه خونی مشربك
نقل بزم عاشقاندر سرخ سیب غنغبك
زائل اولسونمی کوکلدن نشئه فکربك
باده کلفام اولورمی جام مینادن خلاص